



BUSKEDA INTENSO NA CAS DI JORAN VAN DER SLOOT SIN NINGUN RESULTADO



ORANJESTAD (AAN): Loke a socede Diaranzon mainta pa merdia ta marca e prome biaha den historia di Aruba cu un Huez, den e caso aki mr. Bob Wit, hunto cu un team investigador consistiendo di Recherche local, oficialnan di FBI, Polis uniforma, personal tecnico di polis, mas cacho special di Florida, hunto cu Fiscal Majoor a drenta den cas di un Huez Comisario. Den e proceso aki, nan a confisca un Hyundai Tucson color blou, modelo 2005. Tambe a confisca un Suzuki Samurai color cora. Te cu Diaranzon a listra y busca evidencia tanto den cas, pafor den cura, y hasta den e parti pafor di e tereno. Varios articulo a worde tuma, pa bay investiga si nan por tin un link cu locual ta trata e caso Natalee. Despues di e accion, e team investigador a regresa na base pa analisa tur locual a keda confisca. Si durante di e investigacion lo por tin cosnan a tuma lugar cual autoridad lo tin mester di claridad lo no exclui cu lo por bay cay mas detencion den e caso aki. Ministerio Publico ayeranochi a emiti un comunicado di prensa indicando cu ayera den corte e defensa den dos di e tres casonan contra e sospechosonan a presenta nan bezwaren na Corte Comun y Huez Comisario. Ta trata aki di bezwaren contra e decision di fiscal pa no duna cierto documentonan di e caso y e decision pa nenga entrada na e abogado y e tata di un di e sospechosonan. Awe mainta tempran, e decision lo worde tuma na Curaçao.